

Ո Ր Ո Շ ՈՒ Մ N 290/6
/մաքսային վճարների գանձման վերաբերյալ/

<<26>> Հոկտեմբերի 2018թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Մելքոն Աղաջանյանս, քննելով Սպարտակ Կարակլիդիսի /անձն. AM0636629, Լոռու մարզ, ք. Ստեփանավան, Տերյան 2-րդ փկղ, տուն 8/ նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

2018թ. հուլիսի 24-ին ՀՀ քաղաքացի Սպարտակ Կարակլիդիսի կողմից թիվ 05100033/240718/0006698 ապրանքների մասին հայտարարագրով «Բաց թողնում՝ ներքին սպառման համար» մաքսային ընթացակարգով հայտարարագրվել է գազի կաթսա, ջեռուցման մարտկոցներ և օդամղիչ, որոնց համար որպես մաքսային վճար հաշվարկվել է վճարման ենթակա 6500 ՀՀ դրամ մաքսավճար, 19813 ՀՀ դրամ ներմուծման մաքսատուրք և 82017 ՀՀ դրամ ԱԱՀ-ի գումար, սակայն Ս.Կարակլիդիսը սահմանված ժամկետում չի վճարել այդ գումարը :

Նշված փաստի առթիվ հարուցվել է վարչական վարույթ և նշանակվել գործի քննություն 26.10.2018 թվականին ժամը 11:30-ին, ՀՀ ՊԵԿ Արևելյան մաքսատուն-վարչության վարչական շենքում, որի մասին Սպարտակ Կարակլիդիսը պատշաճ ծանուցվել է՝ փոստային կապի միջոցով նրան է ուղարկվել ծանուցագիրը, սակայն վերջինս չի ներկայացել գործի քննարկմանը:

ԵՏՄ մաքսային օրենսգրքի 136-րդ հոդվածի 1-ին մասի համաձայն՝ «Ներքին սպառման համար բացթողում» մաքսային ընթացակարգով ձևակերպվող ապրանքների նկատմամբ հայտարարատուի՝ ներմուծման մաքսատուրքերը, հարկերը, հատուկ, հակազնազցման, փոխհատուցման տուրքերը վճարելու պարտավորությունն առաջանում է ապրանքների հայտարարագիրը մաքսային մարմնի կողմից գրանցելու պահից:

<<Մաքսային կարգավորման մասին>> ՀՀ օրենքի 89-րդ հոդվածի 1-ին կետի համաձայն՝ մաքսային վճարներ են համարվում մաքսատուրքը, մաքսային մարմիններին վճարվող ավելացված արժեքի հարկը, ակցիզային հարկը և մաքսավճարը: Նույն հոդվածի 4-րդ կետի համաձայն՝ մաքսային մարմիններին վճարման ենթակա հարկերի և այլ վճարների հետ կապված հարաբերությունները կարգավորվում են ՀՀ օրենքներով:

<<Մաքսային կարգավորման մասին>> ՀՀ օրենքի 114-րդ հոդվածի 1-ին մասի համաձայն՝ մաքսատուրքերի, հարկերի՝ դրանց գծով տույժերի, տոկոսների վճարման պարտավորությունը սույն օրենքով սահմանված կարգով և ժամկետում չկատարելու դեպքում դրանց բռնագանձումը մաքսային մարմինների կողմից իրականացվում է օրենքով

սահմանված կարգով՝ մաքսատուրք, հարկեր վճարողի միջոցների կամ այն ապրանքների արժեքի հաշվին, որոնց համար մաքսատուրքերը, հարկերը չեն վճարվել:

ՀՀ հարկային օրենսգրքի 401-րդ հոդվածի 1-ին մասի համաձայն՝ հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.075 տոկոսի չափով:

Նշված դեպքով համաձայն՝ 26.10.2018 թվականին կազմված ակտի՝ Սպարտակ Կարակլիդիսի կողմից մինչ օրս չի վճարվել 108 330 ՀՀ դրամ վճարման ենթակա գումար: Տեղեկանքի ներկայացման օրվա դրությամբ վճարման ուշացման օրերի / 93 օր / համար օրենսդրությամբ սահմանված կարգով հաշվարկվել են տույժեր 8937 դրամի չափով:

Հաշվարկ՝ 6500 դրամ վճարման ենթակա մաքսավճար, 453 դրամ՝ մաքսավճարի գումարի նկատմամբ հաշվարկված տույժի գումար, 19813 դրամ որպես վճարման ենթակա ներմուծման մաքսատուրք, 2764 դրամ՝ ներմուծման մաքսատուրքի գումարի նկատմամբ հաշվարկված տույժի գումար, 82017 դրամ ԱԱՀ-ի գումար, իսկ 5720 դրամ՝ ԱԱՀ-ի գումարի նկատմամբ հաշվարկված տույժի գումար:

Ելնելով վերոգրյալից և ղեկավարվելով <<Մաքսային կարգավորման մասին>> ՀՀ օրենքով, <<Վարչարարության հիմունքների և վարչական վարույթի մասին>> ՀՀ օրենքի 53-րդ, 58-րդ հոդվածներով՝

Ո Ր Ո Շ Ե Ց Ի

1. Սպարտակ Կարակլիդիսից հօգուտ պետությունից գանձել 117267 **դրամ**:
2. Որոշման մասին օրենքով սահմանված կարգով տեղյակ պահել Սպարտակ Կարակլիդիսին:

Որոշումն ուժի մեջ է մտնում ակտի ընդունման մասին օրենքով սահմանված կարգով իրազեկելուն հաջորդող օրվանից և <<Վարչարարության հիմունքների և վարչական վարույթի մասին>> ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ Վարչական դատավարության մասին օրենսգրքով սահմանված կարգով վարչական դատարան:

Որոշումը կամավոր չկատարելու դեպքում այն կկատարվի Դատական ակտերի հարկադիր կատարման ծառայության միջոցով՝ պարտապանի հաշվին:

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Մ. ԱՂԱՋԱՆՅԱՆ